

# Sjattasj má javlla

Lukas-evangeliuma 2.6. «Gå dâppe lijga, de ållânij ájgge Mariaj riegádahtátjit, ja bárnas riegádahtij, vuostasjriegádimmánáv, ja giessalij ja krubbuj biejjaj, dan diehti gå sunnuj ij lim guossevesion sadje.».

«Dá jage e sjatta javla». Parisa Hôpital Privé d'Antony skihppijvieso direkterra dáv javllá 10.11.20.

Ja gå Covid 19 oabllu værâldav miehtáj de moaddása ájádalli: Gåktu dal javlaj sjaddá? Bessi gus studenta gudi guhken árru, sijddaj javlajda? Bæssá gus áhkko ietjas áhkkovijt fármastit? Bæssá Kirkens Bymisjon rahpat sidjij gænna l lássá dille ávdutjis? Ja sij gudi li bargos permittieridum jali jádedi vidnudagáv man boahhteájgge ij la állu visses, soajttá ájádalli ja muodástuvvi. Jus la skihppijvieson jali isolasjâvnân Covid 19 diehti de la sierraláhkáj lássát. Soajttá ep ávvâ nagá dádjadit gåktu sijá dille l gudi árru dakkir sajijn værâldin gånna juo korona ávddâla lij stuojmme, ballo, nielgge ja sjævnjádahka. Mij gájka lip juoktá bájnndum dassta jut aktijvuohta ietjádij la nav ietjálágásj. Girkkujn ep besa tjâhkanit degu bruvkkup, ja jur javlla ja girrko gulluji má nav aktij moaddásijda.

Valla galggap gus javlav garvvet vájku l návti? Sidáv tjuorvvot nav tjavgga gå ber nagáv: «Dá jage galggap javlav ávvudallat!» Dán jage ienep gå ietjá jage dárbaHIP javlav, dárbaHIP tjuovgajt, lieggasav, javllalávllagijt ja báhkumav ja aktan liehket. Dá jage sierraláhkáj dárbaHIP gullat javllaevangeliumav gå Jesus riegádij.

Ij lim jur hávsskes sadjáj masi Jesus riegádij ga. Riegádij lándan mij lij ietjá vielde vuolen, nágin biejeve manjel gå riegádij de sjattaj báhtariddjen. Suv ieddne lij nuorra, fámo hærrá Herodes sijáj suv gåddet.

Navti lij iellemájge tjadá. Hædjo lij, tsábbmudaláj ja bilkkeduváj, rádna suv biehttin ja vuornnun, sán lij várâlasj dilen álles iellema tjadá.

Ja dát sæmme Jesus la sán guhti sihtá mijáj javlav ávvudallat, ja midjij tsamádallá jut gå gájka ålgoldis ássje rievddi de la Jubmela bárnne ájn lahka. Nágin javllalávllagin lávllap «Ij lim sán værâldav guodám, násste almen guojttá». Javla risstasj sáhka la jut Jubmel gávnnu mijá værâldin, danen ij la værâlt doajvo ja tjuovga dagi.

Ij la agev álkke dav jáhkket jalik ájttsat, gå li nav edna sjievnjij biejeve. Valla jur javla ájge li moadda vuoge gåktu máhttep árvedit juojddá dássta. Soajttá dálusj lálvaoasse mij tjadá tjágná ja fámojt vaddá, jali dálusj javllamuora hærvva mij mijájt mujttádahtá gávnnuji ulmutja gejt lijkkup, jali sms gånna tjuodtju "hávsskes javla" mij vuoset nágin mijájt ájádallá, jali hávsskes dálvebiejeve mij mijájt mujttádahtá javla li dalloj gå biejeve járgijt. Tjuovga guovlluj lip mannamin.

Állo la ietjálágásj dájna javlajn. Valla ávvosáhka Jubmela bárne birra guhti ednamij bádjij mijáj ulmuttij siegen viesotjit ij la málssum.

Vuostasj javla gå Lufâhtan árruv lidjiv 29 jagák ja galggiv javlajt aktu ávvudallat vuostasj bále. Lidjiv galla vuorbâlasj, danen gå javllaiehkedá ja javllabiejeve barggiv jubmeldievnastusáj, valla iesj javllaiehkedá lidjiv

ienemusát aktu, ittjiv avtak dâbdâ dán âdâ bájken gâsi áttjak lidjiv jáhtâm. Dalloj ij lim ga sâemmi álkke digitála láhkáj aktan liehket, dat lij má amás ássjen jagen 1984. Mujtáv manjet javllaiehkeda sálmmagirjev áhtsiv, ja vájku iv la makkirak lávllu de javllalávllagijt lávlluv. Jaskadij, ja imálasj láhkáj dâbdiv aktijvuodav.

Dán javla besa sæbrat javllajubmeldievnastusájda ja javllaprográmmajda sihke TV:an, radion ja nehtan. Bájkalattjat girkko dahki juojddá majt besa gullat ja vuojnnet, ja soajttá besa dâbdiv dán aj dasi gullu. Ja soajttá jur dán javla galgalulujma vissjalit riŋgut, gâhttjot rádnáv vádtsemtuvrraj, vaddet gâhkojt, subtsastit nágin buorre TV-prográmma jali girje birra, nubbe nuppev vuojnnet, álggon dállit ja gâhttjot guossijt fárruj. Ij la heva barggo aktan liehket.

Gájka dákkir dago dahkap Jesus-mánátja vuojnŋamin. Álles iellemav miehtáj Jesus ulmutjijt sebradahtij ja tjâhkani, vuojnij juohkka avtav álgutja sissŋelin, ittjij goassak ulmutjav ane nupes buorebun. Ja divna dá majt mij Jesus-máná vuojnŋamin dahkap merkahi dá jage aj sjaddá javlla. Danen gâ javlla vuostatjin sjaddá gâ nubbe nubbáj vaddep buoremusáv mij miján la: Liekkosvuohtha ja sæbrástallam.

Návti tjuodtju javllasálman mav Gustav Jensen la tjállám (NOS nr. 60)

«Jubmel ietjas Bárnas midjij

vattij, dálla javllaággij.

Danen hieveduslávlla

gullu væráldav miehtáj.

Danen alla kâvrâs, gullu

dáppet vuollet:

Vaddet la duv ássje

ednamin, vatte ávot»

Galle I sijájs væráldin gudi dârbahi nágin vaddá, dán javla la miján edna ággge ájádallat majt dajt merkaj.

Buorissjivnnjedum javla!